

水經注箋卷第三十

漢 桑欽撰

後魏酈道元

注

明 李長庚訂

孫汝澄

朱謀埠箋

李克家全校

淮水

淮水出南陽平氏縣胎簪山東北過桐栢山

山海經曰淮出餘山在朝陽東義鄉西尚書導淮自桐栢地理志曰南陽平氏縣王莽之平善也風俗通曰南陽平氏縣桐栢大復山在東南淮水所出也淮均也春秋說題辭曰淮者均其勢也釋名

水經注箋

卷三十

朱照乘寫 正光

二百〇八

曰淮韋也韋繞楊州北界東至于海也爾雅曰淮為潏然淮水與醴水同源俱導西流為醴東流為淮自潛流地下三十許里東出桐栢之大復山南謂之陽口水南即復陽縣也闕駟言復陽縣胡陽之樂鄉也元帝元延二年置在桐栢大復山之陽故曰復陽也東觀漢記曰朱祐少孤歸外家復陽劉氏山南有淮源廟廟前有碑是南陽郭苞立又二碑並是漢延熹中守令所造文辭鄙拙殆不可觀故經云東北過桐栢也

淮水又東逕義陽縣

縣南對固成山山有水注流數丈洪濤灌山遂成巨井謂之石泉水北流注于淮

淮水又逕義陽縣故城南

義陽郡治也世謂白茅城其城圓而不方闕駟言晉太始中割南陽東鄙之安昌平林平氏義陽四縣置義陽郡於安昌城又太康記晉書地道記並有義陽郡以南陽屬縣為名漢武帝元光四年封北地都尉衛山為侯國也孫云按史記元狩四年有年衛山封義陽侯有九渡水注之水出雞翅山礮澗澹委泂遡九渡矣其猶零陽之九渡水故亦謂之為九渡焉於溪之

水經注箋

卷三十

一

王光  
三百五十二

東山有一水發自山椒下數丈素湍直注頽波秀

壑當作壑可數百丈望之若霏幅練矣下注九渡水

九渡水又北流注于淮

東過江夏平春縣北

淮水又東油水注之

水出縣西南油溪東北流逕平春縣故城南漢和

帝建初四年封于全為王國淮水又東曲岸北有

一土穴徑尺泉流下注泂流波三丈入于油水亂

流南屈又東北注于澗淮水又東北逕城陽縣故

城南漢高帝十二年封定侯奚意為侯國

孫云按史記奚

意封成陽侯索王莽之利新也魏城陽郡治

淮水又東北與大木水合

水西出大木山山即晉車騎將軍祖逖自陳留將家避難所居也其水東逕城陽縣北而東入于淮

淮水又東北流左會湖水

傍川西南出竊溪得其源也

淮水又東逕安陽縣故城南

江國也嬴姓矣今其地有江亭春秋文公四年楚人滅江秦伯降服出次日同盟滅雖不能救敢不

矜乎春秋僖二年齊宋江黃盟于貫地理志曰漢

水經注箋 卷三十

乃縣之呂后八年封淮南厲王子劉勃為侯國孫

按史記年表文帝八年淮南厲王子勃封安陽侯王莽之均夏也

淮水又東得澗口水

源南出大潰山東北流翼帶三川亂流北注澗水又北逕賢首山西又北出東南屈逕仁順城南故

義陽郡治分南陽置也晉太始初以封安平獻王孚長子望本治在石城山上因梁希侵逼徙治此

城齊司州刺史馬鮮卑不守魏置郢州也昔常珍

奇自懸瓠遣三千騎援義陽行事龐定光屯于澗

水者也後魏書常珍奇者汝南人為宋劉駿司州刺史與薛安都等推立劉子勛子勳敗遣

使馳告長社鎮請降顯祖以珍奇為豫州刺史河  
內公歲餘珍奇密懷南叛尚書元石自出攻之珍  
奇乘虛於懸瓠反叛燒城東門斬三百餘人屯於灌水石馳往討擊大破之 淝水東南

流歷金山北山無樹木峻峭層峙淝水又東逕義

陽故城北城在山上因倚陵嶺周迴三里是郡昔

所舊治城城南一十五步對門有天井周一百餘

步深一丈東逕鍾武故城南本江夏之屬縣也王

莽之當利縣矣又東逕石城山北山甚高峻史記

曰魏攻冥阨音義曰冥阨或言在郟縣菑山也按

呂氏春秋九塞其一也淝水逕郟縣故城南建武

中世祖封鄧邯為郟縣按宋本作郟縣侯蘇林曰音育宋本

水經注箋 卷三十 四 三十九共

作音育 淝水又東逕七井岡南又東北注于淮淮水

又東至谷口谷水南出鮮金山北流至瑟水注之

水出西南具山東北逕光淹城東而北逕青山東

羅山西東北流注于谷水谷水東北入于淮

又東逕新息縣南

淮水東逕故息城南春秋左傳隱公十一年鄭息

有違言息侯伐鄭鄭伯敗之者也

淮水又東逕浮光山北

亦曰扶光山即弋山也逕新息縣故城南應劭曰

息後徙東故加新也王莽之新德也光武十九

封馬援為侯國汝南城北門內有新息長賈彪廟廟

又有魏汝南太守程堯碑魏太和中

蠻氏益宗効域立東豫州以益宗為刺史淮水又

東合慎縣水水出慎陽縣西而東逕慎陽縣故城

南縣取名焉

孫按史記索隱曰慎陽屬汝南如淳曰音震闕駟曰合作慎陽永平五年

失印更刻遂誤以水為心

漢高帝十一年封欒說為侯國潁陰

劉陶為縣長政化大行道不拾遺以病去官童謠

歌曰悒然不樂思我劉君何時復來安此下民見

思如此應劭曰慎水所出東北入淮慎水又東流

積為焦陂陂水又東南流為上慎陂又東為中慎

水經注箋

卷三十

五

四百卅九

陂又東南為下慎陂皆與鴻郟陂水散流其陂首

受淮川左結鴻陂漢成帝時翟方進奏毀之建武

中汝南太守鄧晨欲修復之知許偉君曉知水脉

召與議之偉君言成帝用方進言毀之尋而夢上

天天帝怒曰何故敗我濯子淵是後民失其利時

有童謠曰敗我陂翟子威及子覆陂當復明府興

復廢業童謠之言將有徵矣

漢書汝南舊有鴻陂大陂郡以為饒成帝

時關東數水陂溢為害翟方進為相奏決去陂水

有童謠曰壞陂誰濯子威飯我豆食羹芋魁反乎

覆陂當復誰遂署都水掾起塘四百餘里百姓得

其利陂水散流下合慎水而東南逕息城北又東

逕南入淮謂之慎口淮水又東與申陂水合水上承申陂於新息縣北東南流分爲二水一水逕潁丘西又屈逕其南南派爲蓮湖水南流注于淮淮水又左迤流結兩湖謂之東西蓮湖矣

淮水又東右壑水

宋本右下  
有合字

水出白沙山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西卽黃城也柴水又東北入於淮謂之柴口也

淮水又東北申陂枝水注之

水經注箋

卷三十

六

三百廿八  
姜

水首受陂水於深丘北東逕釣臺南臺在水曲之中臺北有琴臺又東逕陽亭南東南合淮淮水又東逕淮陰亭北又東逕白城南

楚白公勝之邑也又東北去白亭一十里

淮水又東逕長陵戍南又東青陂水注之

分青陂東瀆東南逕白亭西又南於長陵戍東東南入于淮

淮水又東北合黃水

水出黃武山東北流木陵關水注之水導木陵山西北流注于黃水黃水又東逕晉西陽城南又東

逕南光城南光郡治又東北逕高城南故弦高國也又東北逕弋陽郡漢郡國志汝南郡弋陽縣東侯國有黃亭故黃國嬴姓有虞丘郭南有子相廟黃水又東北入于淮謂之黃口淮水又東北逕襄信縣故城南而東流注之者也

又東過期思縣北

縣故蔣國周公之後也春秋文公十年楚王田于孟諸期思公復遂爲右司馬楚滅之以爲縣漢高帝十二年以封賁赫爲侯國城之西北隅有楚相孫叔敖廟廟前有碑

水經注箋

卷三十

七

卅三百卅五

淮水又東北淠水注之

一作淠

水出弋陽縣南垂山西北流歷陰山關逕二城間舊有賊難軍所謂頓防西北出山又東北流逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入淠水又東北注淮俗曰白鷺水

東過原鹿縣南汝水從西北來注之

縣卽春秋之鹿上也左傳僖公二十一年宋人爲鹿上之盟以求諸侯於楚建武十五年世祖更封侍中執金吾陰鄉侯陰識爲侯國者也

又東過廬江安豐縣東北決水從北來注之  
廬江故淮南也漢文帝十六年別以爲國應劭曰  
故廬子國也決水自舒蓼北注不於北來也安豐  
東北注淮者窮水矣又非決水皆誤耳

淮水又東谷水入焉

水上承富水東南流世謂之谷水也東逕原鹿縣  
故城北城側水南谷水又東逕富陂縣故城北俗  
謂之成閭亭非也地理志曰汝南郡有富陂縣建  
武二年世祖改封平鄉侯王霸爲富陂侯十三州  
志曰漢和帝永元九年分汝陰置多陂塘以溉稻

水經注箋

卷三十

八

郵三百廿九

故曰富陂縣也谷水又東於汝陰城東南注

注下當有

之字

淮水又東北左會潤水

水首受富陂東南流爲高塘陂又東積而爲陂水  
東注焦陵陂陂水北出爲鮑陂陂水潭漲引瀆北  
注汝陰四周隍塹下注潁水焦湖東注謂之潤水  
逕汝陰縣東逕荆亭北而東入

淮水又東北窮水入焉

水出六安國安豐縣窮谷春秋左傳楚救瀾司馬  
沈尹戌與吳師遇于窮谷者也川流泄注于決水



之右北灌安豐之左世謂之豐豐水

當作安豐水

亦曰

窮水音戎並聲相近字隨讀轉流結爲陂謂之窮陂塘堰雖淪猶用不較陂水四分農事用康北流注于淮京相璠曰今安豐有窮水北入淮淮水又東爲安豐津水南有城故安豐都尉治後立霍丘戍淮淮中有洲俗號關洲蓋津關所在故斯洲納稱焉魏書國志有曰司馬景王征毋丘儉使鎮西將軍豫州刺史諸葛誕從安豐津先至壽春儉敗與小弟秀藏水草中安豐津都尉部民張屬斬之傳首京都卽斯津也

水經注箋

卷三十

九

卽三百四十七

又東北至九江壽春縣西泚水洪水合北注之又東潁水從西北來流注之

淮水又東左合泚口又東逕中陽亭北爲中陽渡水流淺磧可以厲也

淮水又東流與潁口會東南逕倉陵北又東北流逕壽春縣故城西

縣卽楚考烈王自陳徙此秦始皇立九江郡治此兼得廬江豫章之地故以九江名郡漢高帝四年爲淮南國孝武元狩六年復爲九江焉文穎曰史記貨殖傳曰淮以北沛陳汝南南郡爲西楚彭城

以東東海吳廣陵爲東楚衡山九江江南豫章長沙爲南楚是爲三楚者也

淮水又北左合椒水

水上承淮水東北流逕虵地南又歷其城東亦謂之清水東北流注于淮水謂之清水口者左合椒水焉

又東過壽春縣北肥水從縣東北流注之

淮水於壽陽縣西北肥水從城而北入于淮謂之肥口淮水又北夏肥水注之水上承沙水於城父縣右出東南流逕城父縣故城南王莽之思善也

水經注箋

卷三十

十

卅三百四九

縣故焦夷之地春秋左傳昭公九年楚公子棄疾遷許于夷實城父矣取州來淮北之田以益之伍舉授許夷田杜預曰此時改城父爲夷故傳實之者也言夷田在濮水西者也然則濮水卽沙水之兼稱得夏肥之通目矣漢桓帝永壽元年封大將軍梁冀孫桃爲侯國者也夏肥水自縣又東逕思善縣之故城南漢章帝章和三年分城父立夏肥水又東爲高坡當作又東爲天淙陂水出分爲二流南爲肥水北爲雞陂夏肥東流左合雞水水出雞陂東爲黃陂又東南流積爲茅陂又東爲雞水

呂氏春秋曰宋人有取道者其馬不進之雞水是也雞水又會肥水而亂流東注俱入于淮

淮水又北逕山碇中謂之碇石

對岸山上結二城以防津要西岸山上有馬跡世

傳淮南王乘馬昇僊所在也今山之東南石上有

大小馬跡一十餘所仍今存焉淮水又北逕下蔡

縣故城東本州來之城也吳季札始封延陵後邑

州來故曰延州來矣春秋襄公二年蔡成公自新

蔡遷于州來謂之下蔡也左傳哀公二年吳洩庸如蔡納聘而稍納師師

畢入衆知之蔡侯告大夫殺公子駟以說哭而遷墓冬蔡遷于州來史記楚昭王伐蔡蔡告急于吳

水經注箋

卷三十

吳為蔡遠約遷以自近易以相救昭侯私許之吳人來救蔡因遷蔡于州來注云州來在淮南下蔡

縣淮之東岸又有一城下蔡新城也二城對據翼

帶淮濱淮水東逕八山北山上有老子廟淮水歷

潘城南置潘溪戍戍東側潘溪吐川納淮更相引

注又東逕梁城臨側淮川川左有湄城淮水左迤

為湄湖淮水又右納洛川於西曲陽縣北水分閭

溪北絕橫塘北逕蕭亭東又北鵲甫溪水入焉水

出東鵲甫谷西北流逕鵲甫亭南西北流注于洛

水北逕西曲陽縣故城東王莽之延平亭也應劭

曰縣在淮曲之陽下邳有曲陽故是加西也洛澗

北歷秦墟下注淮謂之洛口經所謂淮水逕壽春縣北肥水縣東北注者也蓋經之謬矣考川定土卽實爲非是曰洛澗非肥水也

淮水又北逕莫耶山西

山南有陰陵縣故城漢高祖五年項羽自垓下從數百騎夜馳渡淮至陰陵迷失道左陷大澤漢令騎將灌嬰以五千騎追及之於斯縣者也按地理志王莽之陰陸也後漢九江郡治時多虎災百姓苦之南陽宋均爲守退貪殘進忠良虎悉東渡江

范曄漢書宋均字叔庠南陽安衆人爲九江太守退姦貪進忠善去檻穽虎皆東渡江去據謝承漢

水經注箋

卷三十

十二

四百卅四

書云南陽宗資祖父均趙明誠金石錄云宗資墓在南陽有天鹿辟邪知宋均當作宗均也  
又東過當塗縣北過水從西北來注之克家云過水當作過水

淮水自莫耶山東北逕馬頭城北魏馬頭郡治也

故當塗縣之故城也後魏地形志馬頭郡屬南兗州呂氏春秋曰

禹娶塗山氏女不以私害公自辛至甲四日復往

治水故江淮之俗以辛壬癸甲爲嫁娶日也禹娶

在山西南縣卽其地也地理志曰當塗侯國也魏

不害以宰守尉捕淮陽反者公孫勇者漢以封之

史記年表云魏不害以圉守尉捕淮南反者公孫勇者等封當塗侯在武帝時○此宰字誤當作圉漢

地志云圉縣屬淮陽郡王莽更名山聚也

淮水又東北濠水注之

水出莫耶山東北之溪溪水西北引瀆逕禹墟北  
又西流注于淮

淮水又北沙水注之

經所謂蕩蕩渠也淮之西有平阿縣故城王莽之

平寧也建武十三年世祖更封耿阜為侯國郡國

志曰平阿縣有當塗山淮出于荆山之左當塗之

右奔流二山之間西揚濤北注之春秋左傳哀公

十年大夫對孟孫曰禹會諸侯于塗山執玉帛者

萬國杜預曰塗山在壽春東北非也余按國語曰

水經注箋

卷三十

十三

卅三百五十三

吳伐楚隳會稽獲骨焉節專車吳子使來聘且問

之客執骨而問之敢問骨何為大仲尼曰丘聞之

昔禹致羣神於會稽之山防風氏後至禹殺之其

骨專車此為大也蓋丘明親承聖旨錄為實証矣

又按劉向說苑辯物王肅之敘孔子廿二世孫孔

猛舊本無廿二字王肅家語序云孔子廿二世孫猛所出先人書家語並

出此事故塗山有會稽之名考校羣書及方士一作

士之目疑非此矣蓋周穆之所會矣淮水於荆山

北過水自南注之又東北逕沛郡義城縣東司馬

彪曰後隸九江也

又東過鍾離縣北

世本曰鍾離嬴姓也應劭曰縣故鍾離子國也楚滅之以為縣春秋左傳所謂吳公子光伐楚拔鍾離者也王莽之蠶富也豪水出陰陵縣之陽亭北小屈有石穴不測所窮言穴出鍾乳所未詳也豪水東北流逕其縣西又屈而南轉東逕其城南又北歷其城東逕小城而北流注于淮

淮水又東逕夏丘縣南

又東渙水西入九里注之渙水又東南流逕離丘縣故城南又東逕承匡城又東逕襄邑縣故城南

水經注箋

卷三十

十四

卅三百八十五

故宋之承匡襄牛之地宋襄公之所葬故號襄陵

矣漢地理志襄邑注引圈稱云襄邑宋地本承匡襄陵鄉也宋襄公所葬故曰襄陵秦始皇以承

匡卑濕故徙縣於襄陵謂之襄邑竹書紀年梁惠成王十七年宋

景鼓衛公孫倉會齊師圍我襄陵以竹書紀年校正十八

年惠成王以韓師諸侯師于襄陵縣齊侯使楚景

舍來求成公會齊宋之圍即於此也西有承匡城

春秋會于承匡者也秦始皇以承匡卑濕徙縣於

襄陵更為襄邑也王莽以為襄平也漢桓帝建和

元年封梁冀子胡狗為侯國陳留風俗傳曰縣南

有渙水故傳曰睢渙之間出文章天子郊廟御服

出焉尚書所謂厥篚織文者也渙水又東南逕巴  
吾縣故城南又東逕鄆城北春秋襄公元年經書  
晉韓厥帥師伐鄭魯仲孫蔑會齊曹邾杞次于鄆  
杜預曰陳留襄邑縣東南有鄆城渙水又東南逕  
鄆宋本鄆作鄆城北新城南又東南左合明溝溝水自蓬  
洪陂東南流謂之明溝下入渙水又逕亳城北帝  
王世記曰穀熟爲南亳卽湯都也十三州志曰漢  
武帝分穀熟置春秋莊公十三年宋公子御說奔  
于亳者也渙水東逕穀熟城南漢光武建武二年  
封更始子歆爲侯國又東逕楊亭北春秋左氏傳

水經注箋

卷三十

十五

四百十二

襄公十二年楚子囊秦庶長無地伐宋師于楊梁  
以報晉之取鄭也京相璠曰宋地矣今睢陽東南  
三十里有故楊梁今日陽亭也俗名之曰緣城非  
矣西北去梁國八十里渙水又東逕沛郡之建平  
縣故城南漢武帝元年封杜延年爲侯國王莽之  
田平也又東逕鄆縣故城南春秋襄公十年公會  
諸侯及齊世子光于鄆鄆字誤按三傳皆作會于  
祖古文相作鄆應劭讀作  
嗟漢地志沛郡鄆縣注  
鄆本作鄆王莽曰贊治今其地鄆聚是也王莽之  
鄆治矣漢水當作又東南逕費亭南漢建和元年  
封中常侍沛國曹騰爲侯國騰字季興譙人也永

初中定桓帝策封亭侯此城卽其所食之邑也渙水又東逕鉅縣故城南昔吳廣之起兵也使葛嬰下之渙水又東苞水注之出譙城北自汧陂陂水

東流逕鄠縣南又東逕鄠縣故城南

漢志沛郡有鄠縣又有鄠

縣孟康曰鄠音多

漢景帝中元年封周應為侯國王莽更

之曰留城也音多又東逕嵇山北嵇氏故居嵇本姓奚會稽人也先人自會稽遷于譙之鉅縣故為嵇氏取稽字之上以為姓蓋志本也嵇氏譜曰譙有嵇山家于其側遂以為氏縣魏黃初中文帝以鄠城父山桑鉅置譙郡故隸譙焉苞水東流入渙

水經注箋

卷三十

十六

四百一

渙水又東南逕蘄縣故城南

漢志蘄縣亦屬沛郡

地理志曰

故垂鄉也漢高帝破黥布於此縣舊都尉治王莽之蘄城也水上有古石梁處遺基尚存渙水又東逕穀陽縣右會八丈故瀆瀆上承汶水南流注于渙渙水又東逕穀陽戍南又東南逕穀陽故城東北右與解水會水上承縣西南解塘東北流逕穀陽城南卽穀水也應劭曰城在穀水又東北流注于渙渙水又東南逕白石戍南逕蚊城南汶水注之水首受蘄水於蘄縣東南流逕穀陽縣八丈故瀆出焉又東合長直故溝溝上承蘄水南會于汶



浚水又東南流于浚縣故城北縣有垓一聚

一作垓下

聚漢高祖破項羽所在也王莽更名其縣曰育城

應劭曰浚水所出音絞經之絞也浚水又東南入

于淮故應劭曰浚水南入淮淮水又東至嶢石山

潼水注之水首受潼縣西南潼陂縣故臨淮郡之

屬縣王莽改曰成信矣南逕沛國夏丘縣絕斬逕

夏丘縣故城西王莽改曰歸思也又東南流逕臨

潼陂西又東南至嶢石西南入淮

淮水又東逕浮山

山北對嶢石山梁氏天監中立堰於二山之間逕

水經注箋

卷三十

十七

四百五

天地之心乖民神之望自然水潰淮矣

梁書應綸傳曰魏降

人王足陳計求堰淮水以灌壽陽高祖然之發徐揚人率二十戶取五丁以築之假綸節都督淮上

諸軍事并護堰作人及戰士有衆二十萬於鍾離南起浮山北抵嶢石依岸以築土合脊於中流天

監十四年堰將合淮水漂疾復決潰用鐵數千萬斤沈于堰所伐樹爲井榦填以巨石加土其上土

卒死者十七八明年四月堰乃成其長九里下闊百四十丈天監十五年九月淮堰壞死者十餘萬

淮水又東逕徐縣南歷澗水注之

導徐城西北徐陂陂水南流絕斬水逕歷澗水西

東南流注于淮

淮水又東池水注之

水出東城縣東北流逕東城縣故城南漢以數千  
騎追羽帥二十八騎引東城因四隕出斬將而去  
卽此處也史記孝惠八年封淮南厲王子劉賜爲  
侯國孫云按史記孝文八年封淮南厲王  
子劉良爲東城侯劉賜爲陽周侯地理志  
王莽更名之曰武城也池水又東北流歷二山間  
東北入于淮謂之池口也

淮水又東斬水注之

水首受睢水於穀熟城東北東逕建城縣故城北  
漢武帝元朔四年封長沙定王子劉拾爲侯國王  
莽之多聚也斬水又東南逕斬縣疑脫  
一字縣有大澤

水經注箋

卷三十

鄉陳涉起兵于此燔火爲狐鳴處也南則浚水出  
焉斬水又東南北入丈八故溝出焉克家云當作  
八丈故瀆  
又東流南北長直故瀆出焉又東入夏丘縣東絕  
潼水逕夏丘縣故城北又東南逕潼縣南又東流  
入徐縣東絕歷澗又東逕大徐縣故城南又東流  
注于淮

淮水又東歷客山逕盱眙縣故城西

地理志曰都封治克家云本志  
作都尉治漢武帝元朔元年

封江都易王子劉蒙之爲侯國王莽更名之曰匡  
武淮水又東逕廣陵廣當作  
歷淮陽城北臨泗水阻

于二水之間述征記淮陽太守治自後置戍縣亦  
有時廢興也

又東北至下邳淮陰縣西泗水從西北來流注之  
淮泗之會卽角城也左右兩川翼夾二水決入之  
所所謂泗口也

又東過淮陰縣北中瀆水出白馬湖東北注之

淮水右岸卽淮陰也城西二里有公路浦昔袁術  
向九江將東奔袁譚路出斯浦因以爲名焉又東  
逕淮陰縣故城北北臨淮水漢高帝六年封韓信  
爲侯國王莽之嘉信也昔韓信去下鄉而釣於此

水經注箋

卷三十

十九

良

處也城東有兩冢西者卽漂母冢也周迴數百步  
高十餘丈昔漂母食信於淮陰信王下邳蓋投金  
增陵以報母矣東一陵卽信母冢也縣有中瀆水  
首受江于廣陵郡之江都縣縣城臨江應劭地理  
風俗記曰縣爲一都之會故曰江都也縣有江水  
祠俗謂之伍相廟也子胥但配食耳歲三祭與五  
岳同舊水道也昔吳將伐齊北霸中國自廣陵城  
東南築邗城城下掘深溝謂之韓江亦曰邗溟溝

按揚州志引水經注淮陰縣有中瀆水謂之邗江亦曰韓溟溝自江東北通射陽

湖孫云按左傳吳城邗溝通江淮地理志所謂築水也地理志江都有渠水

而北至末口淮自永和中江都水斷其水上承歐陽引江入埭六十里至廣陵城楚漢之間爲東陽郡高祖六年爲荊國十一年爲吳城卽吳王濞所築也景帝四年更名江都武帝元狩三年更曰廣陵王莽郡曰江平縣曰定安城東水上有梁謂之洛橋中瀆水自廣陵北出武廣湖東陸陽湖西二湖東西相直五里水出其間下注樊梁湖舊道東北出至博芝射陽二湖西北出夾耶乃至山陽矣至永和中患湖道多風陳敏因穿樊梁湖北口下注津湖逕渡渡十二里方達北口直至夾耶興寧

水經注箋

卷三十

二十

三百七十四

良

中復以津湖多風又自湖之南北口沿東岸二十里穿渠入北口自後行者不復由湖故蔣濟三州論曰淮湖紆遠水陸異路山陽不通陳穿溝更鑿馬瀨百里渡湖者也自廣陵當作廣陵出山陽白馬湖逕山陽城西卽射陽縣之故城也應劭曰在射水之陽漢高祖六年封楚左令尹項纏爲侯國也王莽更之曰監淮亭世祖建武十五年封子荆爲山陽公治此十七年爲王國城本北中郎將庾希所鎮中瀆又東謂之山陽浦又東入淮謂之山陽口者也

又東兩小水流注之

淮水左逕泗水國南故東海郡也徐廣史記音義

曰泗水國名漢武帝元鼎三年初置都郵四年常

山憲王子思王商為國地理志曰王莽更泗水郡

為順水陵縣為生麥漢地理志王莽改泗水國為水順改凌縣為生麥凌

水注之水出凌縣東流逕其縣故城東而東南流

注于淮寔曰口也應劭曰凌水出縣西南入淮即

經所謂之小水者也

又東至廣陵淮浦縣入于海

應劭曰浦岸也蓋側淮濱故受此名淮水出縣故

水經注箋

卷三十

二十一

三十一

城王莽更名之口淮敬淮水於縣枝分北為游水

歷胸縣與沐合又匡匡字譌未詳胸山西山側有胸縣

故城秦始皇三十五年於胸縣立石海上以為秦

之東門崔琰述初賦曰倚高艦以周眄兮觀秦門

之將將者也東北海中有大洲謂之郁洲山海經

所謂郁山在海中者也是山自蒼梧徙此云山

上猶有南方草木今郁州治故崔季珪之敘述初

賦言郁洲者故蒼梧之山也心悅而恠之聞其上

有僊土石室也乃往觀所符見一道人獨處休休

然不談不對顧非已及也即其賦所云吾夕日符

濟于郁洲者也游水又北逕東海利城縣故城之

東故利鄉也漢武帝元朔四年封城陽共王子嬰

為侯國孫云按史記劉嬰封利鄉侯王莽更之曰流泉游水又

北歷羽山西起行地理志曰羽山在祝其縣東南

尚書曰堯時曰四岳得舜進十六族殛鯀于羽山

是為禱杙與驩兜三苗共工同其罪故世謂之四

凶鯀既死其神化為黃龍黃龍字誤晉語作黃能韋昭注云能似熊宋庠

音釋云能乃來反字林云能足似鹿又為鼈類東海人祭禹廟不用熊白及鼈為膳汲冢晉春秋云

平公疾夢朱羅窺屏則又變能為羅矣入于羽淵是為夏郊三代祀

之故連山易曰有崇伯鯀伏于羽山之野者是也

水經注箋 卷三十 二十二 振

游水又北逕祝其縣故城西春秋經書夏公會齊

侯于夾谷左傳定公十年公及齊平會于祝其實

夾谷也服虔曰地二名王莽更之曰猶亭縣之東

有夾口浦游水左逕瑯琊即丘縣故城之西地理

志曰莒子始起于此後徙莒有鹽官故世謂之南

莒也游水又東北逕贛榆縣北東側巨海有秦始皇

皇碑在上去海一百五十步潮水至加其上三

丈去則三尺所見東北傾石長一丈八尺廣五尺

厚三尺八寸一行一十二字游水又東北逕紀鄆

故城南春秋昭公十九年齊伐莒莒子奔紀鄆莒

之婦人怒莒子之害其夫老而託紡焉取其纊而  
夜緹緹絕鼓譟城上人亦譟莒共公懼啓西門而  
出齊遂入紀故紀子帛之國穀梁傳曰吾伯姬婦  
謝云婦字衍歸于紀者也杜預曰紀鄆地二名東海贛  
榆縣東北有故紀城卽此水也游水東北入海舊  
吳之燕岱常泛巨海憚其濤嶮更泔溯是瀆由是  
出地理志曰游水自淮浦北入海爾雅曰淮別爲  
游游水亦枝稱者也